



Iuris Studiosis in Acad. Erffurt. & cuivis benevolo lectori S. D. : Habita
hic sub praesidio meo Disputatione puvlica de Iure Tutelarum , a quibus
iuvenibus rogatus sum, ut sibi & convocatis per publicam intimationem
pluribus collegium iuris pricatum aperirem ... P. P. die ... Ianuarii Anno
1645

Erfurti


Beichlingen, Zacharias von

Phil 2° 00268/04 (046a)

https://dhb.thulb.uni-jena.de/receive/ufb_cbu_00007283

urn:nbn:de:urmel-b2b4c879-027b-4138-8d85-187017e4d7fc7-00006645-11

Lizenz: <https://creativecommons.org/publicdomain/mark/1.0/>





urn:nbn:de:urmel-b2b4c879-027b-4138-8d85-187017e4d7fc7-00006645-11

Juris Studiosis in Acad. Erffurt.

& cuivis benevolo lectori S. D.



Habitâ hîc sub præsidio meo *Disputatione publicâ de Jure Tutelarum*, à quibusdam juvenibus rogatus sum, ut sibi & convocatis per publicam intimationem pluribus collegium juris privatum aperirem; quibus quidem non difficulter annui; maximè, ubi cognovi, neminem nunc ex Antecessoribus Collegii Juridici aut posse aut velle prælectiones privatas instituere. Quamobrem memor officii mei sanctè promissi & rem litterariam hodie fermè ad extremum redactam spiritum meâ quoque operâ licèt exiguâ adjuvandi cupidus publicè affixum curavi scriptum, quò propositum declaravi meum; Sed ab invidia aut malevolentia quadam Diabolica, ut & secundum à quopiam (quem honoris ergo nunc rabebo) nimis mature & cum proprio ipsius dedecore refixum esse percepi. Hoc autem tanquã privilegiis Cæsareis è diametro repugnans non potui non rectè sentientibus significare, & sicut palma oneri i. e. urgentibus & opprimentibus honestè & intrepidè resistere. Quocirca cum ad paucos fortasse consilium meum pervenisse suspicer, ternâ vice & hâc schedulâ typis impressâ *illud* omnibus prædicti collegii futuris auditoribus benevolè & publicæ salutis causa indigitare visum est. Nam neglectis Civil. felicitatis surculis, quos statuo juventutem, etiam judicia i. e. justitiam tandem depravari necesse est, quæ licet aliàs si rectè procedunt, sunt delubra æquitatis, tamen si depraventur, sunt foveæ fallaces & cœcæ, in quas si captus ceciderit quisquam, non nisi per multa exiliet lustra ad usque ipsas medullas exuctus. Rogo itaque eos, ut die Veneris ad me in ædibus Apfelstadianis accedant, ubi de Autore ad hanc rem apto, Exercitatione ipsa sive Disputationibus vel in jure publico vel privato instituendis, (cujus quidem studii electionem Dnn. Studiosis permitto) & aliis ad Collegii commodum pertinentibus inter nos deliberabimus. Valeant interim & vivant beatissimè. P. P. die 26 Januarii Anno 1645.

Zacharias Weichling J. U. D.

ERFURTI

Typis Spangenbergicis excusa.